

退

菴

詩

存

退菴詩存卷十九

福州梁章鉅蒞林

辛卯元日喜聞顧南雅復除學士卓海帆擢補少僕
寄賀以詩

梅花香徹玉堂邊松栢回春得氣堅人望不居三代後
帝心早契十年前皐夔事業君先定枚馬文章世任傳留
與麟臺添故實天風來去總飛仙

相思頻寄隴頭梅歲底除書歲首來惟昔正人官太僕
命傳同用祇今佳氣冠中台清嚴舊著埋輪政雅達新看艸芴

退菴詩存 卷十九

才遙喜故人京國盛披雲宴裡啟春杯

辛卯人日招同蘭坡棣華游靈巖紀事

去年人日風鳴鳴我正挈舟游石湖今年人日風日好
將更上靈巖道靈巖舊蹟難差排但須卽事舒吟懷時晴
恰當快雪後勝踐况與名流偕太湖三萬六千頃湖光都
上琴臺頂四圍積玉明蔚藍一派爛銀晃溟濛切雲亭館
起後來意欲鐘鼎兼樓臺畫船雲壑宇猶濕華屋邱山客
不回名山也有紅塵債力與諸天破禪械老僧從此學頭陀
一笑下山豁薜芥

山僧悲訴吏胥需索之苦余許爲豁除之照眼豐碑高插

天關心大塚拜邢連瓊椎竟須拓萬本封樹或可支千年

似此游山豈偷出

白香山詩偷出游山走看花

正要新詩紀其實斜陽

歸路又橫塘蓬底杯盤重促膝秋期在轉春始成

去秋游虎邱時

即有遮莫山中猿鶴驚一年一度後視昔人日於人倍有

情

是日舟中同觀西清人日詩冊此七字即用冊中句也

韓蘄王墓碑歌

胥江東去胥臺鄉元勳墓前秋草荒表阡巨石拔地立十丈非寶三丈強御題額占碑上半中興佐命何煌煌凌虛閣中大朝會戎服拜賜生輝光趙雄撰文字逾萬訛爲帝

製岷潘郎

宋

周必大書亦雄絕但惜歲月渾若忘十五年

距纘祚始淳熙丁酉時或當不思紹興末受禪賜碑賜諡

同星霜當時飾終禮簡略縣官祇候空趨蹌格天閣中樂

魚水朝局那許貞珉坊二十六載始得請宋紀未載傳未

詳史文減碑十五六纂述先德能弗喪惟王忠武姬葛郭

手擎天柱撐錢塘上追采芑江漢烈庶定王國威靈方諱

忠之誠古儒軌區區起翦何敢望丐閑避寵復明哲幅巾

居士真清涼偉哉中流震枹鼓紅袍辟易驚紅粧碩人超

封兼給俸鞍馬更壓苗劉狂叙功厯厯紀楊國如何史筆

安非楊同穴明明有斬國胡焉碑字同刻瘡金風亭長善
詠史附六夫人豈荒唐證之於碑又不合跋尾徒費潛擎
堂我今弔古卽訂古疑者闕之實者彰翦萊剔蘚整欄楯
萬木插架羶椎忙因碑及墓並防護庀事僚屬咸肅將追
甄修舉守土賁樵蘇永禁神其康比年南園葺祠宇寒光
瑤華都渺茫豈如一坏鬱特起研山佳氣連滄浪翠微亭
邊片石耳名流題詠駢琳瑯而况穹碑照寰宇大書深刻
非尋常闡揚何待金陀岳謗議一掃淨溪汪英靈颯爽定
憑此錦袍驄馬翩來翔冬青蕭條金椀出棲霞鐵像塵中

僵歸然半壁那連塚長共靈巖伴夕陽

桂舲尙書舉消寒會拈早少爛熱四字爲會約屬作

詩同棣華分賦

振衣那俟日高春速客盤筵禮數恭朝氣最佳宜宴衍寒
庖能儉亦從容午餐遲笑雷鳴腹卯飲清如雪沃胸觸我
春明舊時焚禁廬會食正農鐘

早

百年不厭腐儒餐方丈能無媿此官五簋好遵先輩約萬
錢休議古人單艱難食貨應加節真率賓朋易盡歡願與
吳儂返淳儉豈徒物命慎摧殘

少

無煩礪齒要和脾老去都存軟飽思莫等熊蹯滋口實何妨羊胃混時宜調和烹飪皆歸禮歌詠燔魚本入詩仙訣也須憑火候漫誇煮石便忘飢

爛

大都作法不宜涼何況尊生服食方悅口本無嫌炙手平心剛好稱披腸殘杯世界春常駐冷竈門風客共忘獨有名場慙翕翕年來肝肺已如霜

韓文不爲翕翕熱杜詩回首肝肺熱熱

送楊桂山都轉

振麟

北行郎次其題石湖畫卷韻

聯珂丹地舊詞仙尊酒重論十載前陳迹磨牛君有慨惠聲驅鱷世爭傳二分月負題襟後

君除兩淮都轉未莅任郎奉來京引見之

言不

四

命時剛行
抵揚州

一片雲飛繞

闕先深夜剪燈商出處意關憂

樂豈非賢

微官五載具區濱每向南天憶故人難得相逢仍此夕無
端小別又深春宦途離合皆歸數王事馳驅豈爲身祇
惜石湖煙水窟未邀吟賞及芳辰

新詩脫手壓劉曹勝踐林泉彩筆叨書格尙能摩鵠翅酒
杯無復吸鯨濤近君素豪飲大減矣道心澹定塵緣簡豪氣消除吏

事勞話別秣陵朋舊樂夢游來我首空搔

卜君心事白鷗知若霽清游此一時澤國浮家安釣具

將時

入觀寄旂亭吹笛送鞭絲春江花月隨方好天際星辰
春於湖州
取次移回首東華舊遊路多應寄和早朝詩

滄浪主客圖詩

並序

余於道光丁亥春仲自山左移藩來吳撫吳者爲安化
陶雲汀宮保偶以公餘葺城南滄浪亭爲賓僚觴詠地
時涇縣朱蘭坡侍講主正誼講席華陽卓海帆京兆主
雲間講席次年元和吳棣華廉訪吳江程竹广鴻臚先
後自京師歸游跡多以亭爲主無何海帆先以需次去
又二年宮保晉督兩江移節金陵惟余尙與蘭坡竹广

棣華諸君徘徊茂林清流之間每感勝集之不易得而聚散之靡有恒也思合作一圖以紀之時余之莅吳四年矣其甫至也宮保暨余同修此亭宜爲王者也而棣華竹广皆郡人蘭坡海帆所居皆與亭一水隔是皆宜爲王者也然海帆別此亭去最早宮保繼之竹广居吳江遠郡城四十里不能時至亭蘭坡本寓公余以官繫其去留遲速皆非所自操棣華亦如泰山之雲將出雨天下是則宜爲此亭王者又皆此亭客也惟念通籍垂三十年同榜二百數十人中離合蹤跡無歲無之獨此

六人者久與此亭習互爲主客人以亭重乎抑亭以人
重乎是不可以無述也先是宮保繪七友圖有寶應朱
詠齋總憲吳縣顧南雅學士南雅官京師未嘗見亭之
成詠齋祇一至亭而竹广之歸在七友圖旣成後故茲
舍二君而及之並系以詩云

勝賞寓泉石崇情眷岑岑不知誰主客但視手中杯濯纓
可同賦觀魚亦無猜肯將風月緣千秋讓歐梅

在者歌伐木跼伏窮海濱通籍得同門數君始相親雲龍
各追逐離合難具陳好風復吹此回頭三十春

相逢孰能料久聚知良難珍此搏手沙且復保歲寒時俗
幸和美嘯咏餘古歡微尚各有託非徒矜敦槃

斯亭閱人久喧寂隨所遭偶摹雅集圖持謝金石交烟霞
濶素抱簪紱貞久要他時孰省識詩成首重搔

勘視孟瀆河道中率成

重到奔牛路休誇走馬能

去年初勘以大雨泥溽策馬而行

勝區忘按部

初行一二里夾河有茂林修竹景物絕佳

晴日快行滕一港通南北千年疊廢

與夏羅連水驛

夏墅汎羅墅汎皆在孟河城南

黃塔厯秋砮

黃山塔山皆在孟河城北

舊時江心今可騎而登矣

漸作桑田變空煩鐵甕憑

卽長蘆水利議曰自明嘉靖初築城

禦倭而海氛今豈慮饒輓久難勝赤地艱疏洫淫霖易

孟河淤

名塋商塗嗟掃迹農隱竟成瘞孟簡名攸肇唐元和間刺史

乘中牖岸遂峻嶒康熙十九年廢墜誰當舉均輸且有徵明

應訓請濬孟濱疏有永樂宣德宏治年間議於蘇松常鎮

杭嘉湖七府協力並開之語茲役借川緩漕米價二十萬

餘金議令常州所屬七縣分別攤徵還款借籌隨地力抗疏感

天膺謂此役亦宜從緩余因民望孔殷懇切敷陳入告

感蒙報可伐石平如砥因加工費剗通醺疇直似繩里開之以

取直勢馨聲應潮急香氣夾衢升是役民情歡躍值余按部

入孟河城夾路皆焚香相

與者言不

七

利合三河溥

時深港德勝兩河同時並濟

功防九仞矜省成須率作

敬告合簪朋

送桂船先生入都祝嘏

頻年綠野課春耕復此扶鳩上

帝京七袞精神逾燁錄三朝聲望屬耆英雲升岱嶽仍

甘雨日麗樽桑正老晴咫尺

天顏慶平格壽人樂府載颺賡

歷亭楊柳繫征鞍結夏還聯棹

先生將順途至山東令弟署中過夏故先

期俶

風雨對床詩更好江湖戀

關夢難安驂駢載道鄉

雲爛魚藻承

恩湛露溥聞說朝班共延佇可容鶴性縱煙巒

謝椒石同年

學崇

自廣陵來杯酒話舊席間賦贈

櫻桃宴上玉堂仙回首春明歲序遷
豹霧有時還自隱蛇風無意每相憐
琴尊東閣新詩在鈴索西清舊夢牽
一笑升沈何用卜浮雲映水月當天

城西繡谷貯煙霞畫裡曾移薄笨車
佳日聽鶻情最好清游騎鶴興還賒
戴憑聲望談經重公瑾風流顧曲誇

君曾刊行

詞集暫作閒身天所賚平山欵段勝排衙

題朱西生

綬

黛湖漁隱畫冊用冊中曹良甫韻

與君交漸深眼中人老矣我墨年自磨君筆日益駛雄文
捷枚叔快艸過張史英英菱蘆中落落此佳士丹黃斗室
忙意氣千載儼會當切霄漢胡爲困泥滓黛湖不煩乞墨
潛有餘瀾地偏亮自契意足那求似沈吟在松楸悅懌豈
桃李卽茲潛榮進早堪式閭里投簪我亦願杖藜自此始
小西湖一角潔修盛蘭芷因君起遐心憑人喚夫已

時余方以

頭風請急

爲祝堦譽廷

普慶

題觀湖畫冊

廣陵證羅刹說始曲江錢朱

竹垞汪容

異同論各補地志箋

子今官浙中錢說宜可沿政聞起遐想海門隔蒼烟子年
方壯盛鵬囀看高鸞水監卽民監此義當勉旃我昔去鄉
邑屢過之江壩青山勸招隱塵網三十年終當息勞軫重
泛西泠船煩子買舟待成我觀濤篇

蘇鰲石觀察以二畫卷屬題卽送其督運北行

開圖刻燭

月華舒空流素轂前街後街聞擊櫓退衙吏散視文書相
伴一琴兼一鶴蘇州萬家闔戶眠官齋蠟炬凝青煙民能

帖席官秉燭此燭不照園花妍一年庶政無不理曰飲胥
江半甌水雄鷄初唱星在天盥櫛又先氓隸起蘇州太守
不易爲以勤服官官事治西望榆關六千里何如留勒甘
棠碑

時君方提
延榆綏道

平江畫舫

一江滑笏波粼粼二月三月江南春黃頭打鼓繡旗颭千
帆如馬行通津三吳秔稻國計重行縣今年減騶從舸峩
大舩指丁沽一片東南好風送朝朝暮暮邪許聲使者襟
懷如水清偶然哦詩寫民瘼船窓官燭深宵明嶽雲暫駐

能爲兩綠波送君渺何許江南江北烟樹濃聽君吟過袁公浦

何竹薌邑侯

士祁

村居讀書畫卷

宏才綜今務遠志敦古歎峽山讀書日抱負偉可觀射策得上第牽絲賦彈冠吏治本經訓兼濟猛與寬自來風俗美端賴親民官君能飾儒術庶比仇香鸞

山深日月閒耳目無游氛元化所舒卷百族交網緼飫道彌有獲蘊茲經世勛循吏非難爲不改儒素勤並優在仕學出處無紛紜春雷動甘澤卽此膚寸雲

以詩寄南雅索其畫梅

羅浮仙人姑射姿傳其神者畫與詩誰識此花難詩更難
畫直與畫詩競聲價山陰童二樹錢唐金壽門柔枝老幹
掃凡艷逸氣各自超籬樊長洲學士奮筆起腕間早有羲
之鬼臨池餘技現花身煮石山農差可擬二十年前見君
作絹素開時煙漠漠江妃窈窕立蛟脊密蕊繁英珠錯落
自來吳中久相憶五度題詩過人曰驛使頻頻寄一枝每
到花時夢顏色聞君近畫益矜重骨格高寒韻生動匹如
老去杜陵詩律自精嚴筆奇縱木天清暇一事無橫鋪繭

紙三丈餘南枝北枝春爛漫墨光四照花爲廬官梅閒雅
倚臺閣野梅槎枒出林薄冰心玉色鐵石腸想見含豪深
意託我昨看梅鄧尉山山光變滅空濛間餐盡花英飲湖
綠巾舄皆帶香風還此時思君在京國要乞橫枝張素壁
君言作畫不草草一畫先須一詩易江南五月梅子肥濃
陰庭院恒炎曦屏間那可少冰雪塵容俗狀聊爲醫以詩
易畫古來有奈梅詩艱脫手斷章義取木瓜篇佇望封
題報瓊玖

潘星齋茂才

曾瑩

玉山紀游畫卷

玉山佳處有新篇
塵尾風流最少年
文筆峯頭雲五色
爲君飛上磬光牋

過庭家學早傳詩
雛鳳清聲海內知
君爲芝軒尚書次子
他日蓬山凌絕頂
多應說着秀才時

李拙齋儀部小照

繕性外世務
頤真思掩關
拂衣謝同列
徒步歸故山
老松動鱗甲
奇石堆孱顏
高抱式浮俗
所居廉讓間
驥子復清發
此身庶能閒
佳時足歌嘯
風月天不慳
愧余聯珂客
抗塵濁巾綸
何當慰契濶
白雲時往還

石敦夫郡丞

同福

松鞠猶存畫卷

十年快作西湖長湖上花枝映官舫待訪與公賦裡山石
梁珠瀑琤琤響山中猿鳥久盼君暫歸故里歡娛親門前
舊種五柳樹好風吹滿庭闌春何容林下竟高卧勝事吾
爲赤城賀長官捧杖侍山遊老鶴清聲子能和君以錢塘
令擢台州丞請假省親時尊甫琢
堂先生將有天台之游

江南勘災和梓庭中丞江北勘災韻

升高試望路迷離滿目流亡愧職司忍聽波濤浮郡縣空
思黍稷足年時呼庚哀響隨潮急破午炊煙隔岸遲敢信

江南勝江北心香但祝昊蒼慈

隱約波漂煙樹叢茫茫那辨畝南東魂銷風雨番番至力

盡塗泥下下望歲祇須占啁鵲蔽江何以待嗽鴻三吳

財賦關元氣可奈頻年杼軸空

澤國瘡痍迄未蘇隄防利害係須臾歸墟縱殺橫流勢保

聚深憐下邑孤江北馬棚灣失守洪澤湖下注之水從此宣洩而下河七邑遂同時被災矣孰

是扁舟繫天地詩用玉溪可堪沃壤變江湖

九重萬里通簀畢猶恐監門未盡圖臣入告聖心深以不實不盡爲慮

疊命重臣先後履勘

側聞異漲首荆湘括漢包江作沸湯腹地普成中古割尾

閭遂益下方傷下方傷語見後漢書明紀西來虹堰愁風伯洪澤湖長水至二丈

一尺餘爲從來所未有東去雲梯禱谷王黃河同時盛漲僅可移民

移粟處籲天能勿護吳閶

功甫以支硎新粟見遺賦謝

吳山不種粟種始今年春舍人辨物土播種宜高昀僧寮
廣閑地借以施勸獲既得雨露偏况加力耕耘嚴風屆霜
節穰穰鋪寒雲朝看刈獲罷碾出珠圓勻邇者潦水至低
田秋稻涇賦稅嗟不足三農日憂貧矧有覓食鴻瞽瞍散

江濱何術固本計一使氓俗淳種粟備荒政古法原可遵
宜備非一端一端亦經綸使至辱嘉貺晚飯盤蔬陳臨箸
轉三歎素餐愧彌殷流移滿郡縣曷以稱拊循居官悉民
事亦賴賢搢紳美莊揭豐豫義聲衆所聞感君惠好我助
賑先指囷今冬留養災民得君爲捐輸之唱衆皆踴躍尤難恥獨爲風勸彌勤
勤巨室國所慕庶堪喻齊民支酬接萬笏千秋共嶙峋

送吳退旃侍郎椿北行

中朝雅望待周爰乍與持衡卽返轅經國才多資碩畫書
屏名重感

殊恩西湖煙水猶縈夢南紀波瀾易斷魂

時江南北
曾被水災

清問定關江左地爲言臣力瘁藩垣

憶共簪花醉杏筵搏沙安得盡同年頻邀吳質成高會已

悵朱游隔遠天

君兩過吳門惟余與棣華得暢叙竟日蘭友則兩不相值也

明月回頭

幾泥爪

甲申乙酉間余與公數晤於揚州

秋風吹鬢易華顛春明退食如

相憶好續滄浪唱和篇

和梓庭中丞監臨辛卯江南文闈感賦四律韻

驪首金陵麗景開求賢

丹詔日邊來卅旬役鼓頻頻警

新修試院增多號舍經始於庚寅冬月至本年秋仲

...

全工八月仙槎緩緩催時奏請試期改遲一月故典嘉會

翻生三徑想詩題采菊東籬下名花本合九秋栽關門恰似中天

盛已澹

堯年浩浩災試院積水八月下旬驟退

龍門詠蕩五雲高濟濟堂中著作曹激濁徧嘗君子水中

各號舍皆務進江豪吟怡稱大官餤故事於中秋給士子餅今歲改於重九

日名場話舊餘鴻爪中丞新撰楹帖有名場回矮屋分甘

似燕毛七十以上老生曾與中丞同最是歐蘇知舉韻松

風茶話薄持螯閩中因曉水而烹茶與葆逸舟李春晚二觀察對酌又為試院煎茶漆一佳話見中

丞詩
自注

憶我賓興嶺海東也曾吻鹿雜噉鴻三千水裡飛騰出十

八科前况瘁同

余舉乾隆甲寅恩榜是年閩省亦有水災自八月初八至十五連日大雨如注號

舍中水積二尺餘寸遂至斷炊本年吳中士子多預防病濕而不赴試者余每述前事以壯其行霜隼心

雄風力外春蠶響徹雨聲中君看九轉丹爐熾豈有河魚

患鞠窮

開府持衡協雅賓重光慶榜恰重辛

辛卯日揭曉

文章至竟須

經國科第何能便重人秋實春華期並茂吳頭楚尾本比

隣隔江獨有風塵吏空託詩歌步後塵

江南文闈蘇藩向不襄事

退菴詩存卷十九

五

賀洪定山前輩其紳重宴鹿鳴次韻

群柯江上蔚祥雲周甲登科夙冠羣扶杖卽今尊綺里問

奇到處逐揚雲君辭官後主講賓筵接迹聯新進燭影騰

輝憶舊聞君應鄉試時號舍紅燈被焚僉謂當出解元之兆公詩所云得意燒心年少日三條燭晃五更

風卽此海內靈光知有幾壽星頽頽煥天文

三朝蕊榜耀重光君以乾隆庚寅領解黔中中歷三朝六遇壽榜每在庚辛寅卯之年今科

又歲在重光清夢低徊在玉堂鳳閣鸞臺推老宿

堯年

舜日閱舒長耆筵早覩三雍宴君詩自注云曾覩寧壽宮千叟宴樂世頻

廣

萬壽觴從此擴言添故實南村何必歎漁洋

君詩自注云祖舅田南村

先生於乾隆辛卯鄉科再轉因疾未與宴口占云歎息漁洋有遺恨千秋佳話也虛傳漁洋順治辛卯鄉舉也

種玉崑山寄此身人師端合讓經神著書久許容齋續讀

易還窺輔嗣真

君深於易理著有易經解

盛有寓公陪桂苑

本科江南寄籍請就

近赴宴者君與湖南貴公逢甲兩人

底煩遠道枉蒲輪他年再舉

恩榮宴

仙杏重開九艷春

杭州回首識荊州

余以嘉慶乙丑晤君於杭州張都轉署中彈指駒光廿七秋

頻忝春明客尾附

余由詞垣改儀部皆在君後

矧聞大阮篤嬰求

君與余叔

父九山公祝公名德延鴻算示我周行賦鹿呦君示詩何
爲文字交
日舉比親撰杖香山會在玉峯頭

題林吉人焦山鼎銘冊

憶嘉慶壬戌在都門琉璃廠攤中偶獲焦山鼎銘及釋
文兩紙又施中跋一紙林吉人跋一小紙知爲吾閩徐
興公舊物攜歸福州無有賞析之者越十餘年再入都
門呈諸蘇齋師爲跋與詩甚詳並辨鼎銘爲石刻本非
由鼎腹拓出者按林跋言曾錄國初諸老詩跋並有
題者將成巨觀則已失去今年次兒丁辰回閩鄉試獲

一本篋來署齋對校適是前紙所佚者凡林駝駟云
仲堯肇新城竹垞諸作一一具在皆吉人精楷細書益
以徐虹亭周雪客吳退菴三跋朋首列鼎圖一鼎腹文
一始悟向所得者祇釋文及林跋施跋爲真其石刻鼎
銘不知何時何人補入施跋石本云云是指鼎圖言之
而此三紙者又不知從何流轉入燕乃相距數十年相
隔數千里而珠聯璧合頓復舊觀豈物聚所好如歐陽
集古錄序所云抑文字精靈所寄在在有神物護持不
可磨滅者耶墨緣巧遭良非偶然因剔去石刻紙合新

舊所得重加裝治並附蘇齋師所作於後而詳述其緣起如左將乞嗜古者續題之以符吉人巨觀之語云爾
系以詩曰

海山墨緣光景遠樸學齋中出鼎本汪朱考記二王詩細楷虛和無迫窘延津神劍飛兩龍夜移壑舟滄海東眼明
廠肆得殘帙題藏知自徐興公北平先生鑒精絕誰借寬
齋所摹石墨瀟猶留紅雨痕筆鋒欲奪琅華席蘇齋師極賞施跋字
謂酷似王孟津春明舊事如雲煙昨來躡屐松寥巔親從鼎腹辨
跟肘問奇徑欲呼焦先乾坤寶氣不闕歇深夜精芒斗間

發露紅輦殘市上堆天許吾家完故物六千里踏閩與燕
會合迢迢三十年晨窓呼兒共披玩首尾粲備形神全奇
識此事樂莫樂黯黯烟煤勝新拓余曾登焦山親從鼎腹
搨得數紙不如此本之
色也古香古祇惜蘇齋宿草生無緣並几重商確前年高唱玉
帶還山歌今年鼎冊重摩挲焦山爲我作佳話江天煜煜
定有虹月連金波

臘月二十四日集同人於箴白堂饒陳碩士學使報
政還朝卽席口占索和

同年同館又同鄉合作萍波聚一方是日會者五人皆同
館而余與蘭坡棣華

與老言不

二

為同年鰲石則同鄉也天使好風吹得人逢舊雨話徧長雙清誰

似冰銜峻學使新奉擢貳春卿之命一笑齊將歲事忘草草杯盤聊

記取酡顏如酒鬢如霜

宣南勝蹤渺難追出處升沉任所之宣南詩社人才最盛今京居者惟學使一人

而已人而冰雪相逢俱有感滄浪已到可無詩學使於忙中尙周覽滄浪亭一

過關河迢遞三千里朋舊沈吟十二時且急催成五君詠

燕雲秦樹易迷離時鰲石亦將赴榆林觀察之任

蜀石經左氏傳殘本冊

右墨本為元和陳芳林樹華郡丞舊藏凡昭公左氏傳六

紙共三十有五行後有翁覃溪師長跋及詩又有段若
膺錢竹汀二先生跋按顧亭林述唐石經至詳而蜀本
則絕無論及曹能始四川名勝志云諸刻今皆不存惟
有禮記數段在合州賓館中則在前代並拓本已屬難
得近畢秋帆尙書亦以未見蜀石經爲恨惟王蘭泉侍
郎金石萃編載毛詩兩卷亦是據吳中摹本錄之此是
當時原石本海內所僅存幸歸余篋因重加裝治別爲
辨證賦詩紀之

鴻都矩型雙莫追蓬萊閣石如斷珪嘉祐光堯並湮墜何

况叢爾龍岡西寥寥數紙左昭傳四十六科孰指迷六物
之占事亦近獨不得證賈服歧書人書時缺附筆楊張孫
周知繫誰諱祥諱察要足據孟家上石當無疑鮎埼亭中
廿年夢廣仁帙尙存朝饑蘭泉萃編又晚出齟齬摹本分
町畦聞昔宋賢所徵引廣政似壓開成遺開成無注此獨
備風行江左當年宜胡然頽落百無一盡化基塘揚泥灰
歷劫塵餘僅留此髣髴益郡原檀椎松石湖墅互得失黃松
石趙谷林及湖墅王谷林渺矣芳林追芳林藏又菑林得
溥皆藏毛詩殘本者墨緣巧遣非人爲蘇齋十載覲一遇跋尾不惜千圓驪八

百年前好楮墨南州悔未同鑄治竹汀居士經韻叟但憑
眼福相矜竒古香冉冉古研室欲冠諸帖爭虹輝禮殿東
堂久難問合州賓館儻在茲且續厲全作詩話莫憑謝客
嗤申葵

和潘功甫見贈韻

此邦高義古爭傳又見清門繼大賢博施心殷膏雨外翼
平功仰縵雲邊謂尊甫得瓜得豆應延世多黍多稌總卜
年力挽淳風召和氣肯憑缺憾但呼天

才非魁碩敢求竒竊祿頻年我自知勤事違言能補拙耽

書猶是未忘私獲民有道仍資友聞政從來要誦詩送盡
歸鴻天宇濶也應到我倦飛時

書目送歸鴻圖後

并序

道光辛卯秋初江淮大水流民蔽江而來者日以萬計
吳民惶然乃請於大府謀於守令唱諭捐輸先資其所
往繼於蘇州城外設廠以養外州縣如之合計四府一
州留養之數四萬餘人往來資送之數六十餘萬人於
壬辰春一一復歸故土何竹薌邑侯以畫卷相贈因題
其卷端曰目送歸鴻圖並紀以詩

水爲萬物準

語見管子

過則多所妨中吳本澤國易成下方傷

去年大江北千里遭奇荒白曰蛟龍游潛陸竟汪洋田禾
與室廬漂沒波中央驅民作螺蚌未死惟流亡嗷嗷蔽江
來求活無它腸提攜雜婦孺萬輩伏道旁鳩形鵠面多聲
若被巨剝孰無惻隱懷對此增傍徨

中天滂唐虞澤水有未導當今

聖人仁尤戒諱旱澇夏秋沴初形飛章早入

告蠲租復振粟繼且

允截漕

恩膏浹南紀庶彙徧怙冒惟此流徙徒羣俟解懸倒忝求
牧與芻兼防挺爲盜敢言衽席登希免溝壑悼留之謀厥
生資之聽所到所期仁義漿加意與慰勞

亦知具區濱歲非大有秋亦知秦越心難必相救賙烏虜
旣同類能無同樂憂我幸獲溫飽得天何獨優名器豈輕
付巨室豈凡儔但慙拙文告或殊筵道謀此間風清嘉夙
多好義流秉彙有曹好稱心非強求恢恢善陽田續續全
琮舟一唱遂百和歡聲起吳謳

去者有所資止者有所養時經八閱月地拓卅餘厰

蘇城所設

外屬仿
此有差
懿哉范公鄉流風欲競爽士義不留名婦賢能助
繩規條幸我遵風勸資令長更喜臂指從丞尉亦足仗袴
襦徧喚咻醫藥關彌癢巾幘咸區分歲節更饋饌所籌頗
纖悉所全乃恢廣誰信冰雪鼓中有春盎盎
潦水已盡涸春風起庶腴怍怍故土心能無送將歸預頌
一月糧藉噉長路饑破囊有餘錢所過仍相資如聞首塗
聲感謝同依依爲獲家口全並覺兒女肥苦憶客秋事人
情多訴譏輓轡肆譁幻艗船雜離奇紛紛塞關闔禍變安
可知何幸秋徂春帖然如受轡

退菴詩存

卷十九

三

緬宋富鄭公活民法利便青州五郡間收養三十萬上下
戶出粟不聞居者怨始知仁壽心人各具方寸豈難度支
請而必樂輸先國用有常經臣職在董勸事會幸無愆
敢與古並論國或監門同詩忝春陵遜一一送歸鴻目極
天末倦望望春大和江干麥苗嫩

退菴詩存卷二十

福州梁章鉅蒞林

道光壬辰仲夏由護理江蘇巡撫任內因病具摺陳
情仰蒙 恩准開缺回籍調理瀕行留別吳中諸
同人四律

敢言素志在林泉
蒲柳先秋祇自憐
病與樂天
相伴
天
恥同玉局
早歸田
蘇詩主恩未
報恥歸田
六年力瘁催科

拙四度

恩深假節連

六載蘇藩權撫篆者四次

竊祿懷居並心折
急流雖退亦

恩深詩存

卷二十

茫然

既託同岑可異苔頻年儕輩幸無猜不妨我作閒雲去但

願人爲膏雨來財賦動關天下計文昌新入斗閭魁

今科會試

廷試兩元皆出吳門

如何感召和甘理拱聽羣公活國才

清淺滄浪閱歲時樗材久與俗相宜素心共憶紅綾會

謂在

吳門諸同年

皓首頻廢絳燭詩

謂問梅詩社諸老輩

幸戢嗽鴻隨輩迴又

聽叱犢出梅遲

六月尚涼梅雨未歇

平江水接吳淞濶果否棠陰有

繫思

初衣檢點向烟蘿腸轉車輪感慨多千疊慶雲思白下

謂

官一襟明月夢黃河最感張芥航河帥垂注而欽遲未晤故交自惜投簪去
謂林少違志將如贈策何屢承程粹庭制府慰留但乞金丹蘇病骨
春風重許逐鳴珂

六月初八日卸護撫篆戒行有作

昔人自挂冠厥事不恒見引年與引疾各於禮無欠今人
昧進退其術乃愈變引年每遷延引疾轉利便上交或有
怵擇地或易厭或防吏條干或豫勞役遊否亦高尙懷要
非康濟彥愧余力難任數者頗無潤暮景雖未頽早衰祇
自恨醫東逐衙叅藥杯雜賓醺搖搖風柳孤裊裊水榆顛

以茲營鉅艱能無倍兢戰澤民莫下尺報

主未酬寸卽無物論及敢久賢路占吳藩雄東南冠蓋塞
郵傳漫誇財賦雄徒增吏民困比年風益敝芽蘖易滋患
幹才尙難支病軀豈能辦所以用一決浩然無轉念默祈
聖明憐豈料俗情豔計比劍南猛

陸放翁詩山林豈難歸吾計自不猛跡殊

彭澤倦但行心所安冷然復何戀

方岳於古尊行省亦專達自歸節制權始判臺司列進止
須因人迢迢望 雙闕丐疾尤匪易代

聞每不決但靳勿藥喜實憚浮議奪亦有真繫維多恐暗

牽掣回憶客夏初我懷正幽鬱甚感大府憐允爲

主恩乞淮揚忽告災六蠹去倉卒流民蔽江下億萬待我
活責無旁貸可力惟盡瘁竭支離強自鎮隱忍何敢說今
春事麤了嗷鴻歸一一況幸天假緣儀同又握節拜章許
自陳事

上惟以實

恩重心益驚情眞語轉拙藉洗曠官恥難免封事密寅寮

議鰓鰓憲府聞咄咄

雲汀官保

故交尺素來尙戒勿輕率

林少穆中

丞由山左馳書慰留語極敦摯

詎忘盍簪快深抱戀棧嫉明知合少待但

思卷詩字卷二十

恐遂中輟責人以所難焉用此唐突不辭徑情行敢謂知
幾哲

陳情疏已發待

命心忤忤疏回果得請又滋受

寵驚瓜期

許靜代弗聞督促聲

奉到諭旨俟林則徐到任後再行開缺回籍調理

綸宣且遲遲似非常格行

諭旨五月廿二日疏入廿三日奉諭旨廿五日始發內閣抄行

況我所讓缺亟宜授賢能真除久未下劇職知誰勝

藩缺雖開

而逾月尙未簡人

凡茲異數值殊非夢想經

虛佇何敢言去就良非輕諱疾旣不敢力疾詎可恒進退
極從容方知際

昇平豈無攀卧思一湖水盈盈

白詩惟留一湖
水與汝救凶年

亦有孤寒

淚眼共青山青吏民安我拙僚屬推我誠頗訝庸庸福却
無赫赫名此邦蔚耆舊譽我多過情同年盛唱酬歡聚如
春明是皆難忍去別緒多回縈何況未報

恩五中每兢兢報

恩會有時竊祿尤所懲試擇兩害間行矣謝譏評

六月初十日少穆中丞招同朱蘭坡杯酒話舊和詩

寵行賦謝

浩蕩歸心付白鷗遲回三日爲公留恰窺東閣琴尊古轉
憶西湖水石幽公在籍時曾朋舊最難情話洽涓埃愧未
聖恩酬贈言珍重萱蘇意可許烟霞疾易瘳

宦跡頻年易合離江南三見福星移政聲早向廉車播民
望尤殷使節持遇順鴻毛推國寶代飛雁影獨天涯定看
庶好諧箕畢爲報山中退士知

六月十三日少穆中丞再招同石琢堂廉訪尤春樊
舍人葆益舟觀察朱蘭坡吳棣華兩同年飲餞棣

華有詩因次其韻並呈中丞

乞閒已許我抽身又惜離羣促列茵會是停雲非獨懶話
來舊雨却翻新媿將馬齒攀前輩難得鰲頭盛部民爲問
問梅詩社裡可能添个後來人

名賢池館芰荷香

是會小滄浪
荷花初放

清德堂深薜荔牆聯襪何

煩別涇渭

在座無
一雜流

濯纓卽此是滄浪諸詎整暇知無擾檢

點遄歸笑轉忙合有賓僚時燕衍十年棠蔭早成行

歸帆雜詠二十八首

此地年來送別頻勞勞今亦自抽身我頑不待江神警失

退菴詩存

卷二十

笑當時誓水人

胥江登舟

三十餘年幾合離河梁攜手易天涯自緣倦鳥投林急愧

說雲龍上下隨

別林少穆中丞贈詩有雲龍上下連之句

吳門耆舊盡詩翁送別情深句愈工一櫂烟波數巡酒不

知身在畫圖中

石琢堂廉訪韓桂舫尚書尤春樊舍人汪闕原觀察彭詠莪舍人暨朱蘭坡吳棣華

兩同年合製葑江話別畫冊贈行並飲餞於葑門舟次

忽聞潭水踏歌勞寶帶橋邊擁采旄今日爲君不辭醉斜

陽影裡酒人高

李石舟觀察程春嵐太守陳陶圃何竹簫藍子青三邑侯設饌於寶帶橋舟次開懷

引滿不覺醺然數年來所未有也

別愁豈減去思多去者將如送者何祇合紛紛自厓返垂

虹亭外儘烟波

僚屬送行至遠者至吳江亦返矣

一別京華十六年重逢何止各華顛扁舟記取鴛湖路待

寄山中招隱篇

過秀水陳蘭隣親家飛權相迎談至三塔灣而別

在山果比出山清久向行藏契性情同是三吳過來客相

逢一笑大江橫

潘吾亭觀察來舟暢叙經時亦有終不出山之意

潏洄一水浸諸峰潑眼紛來野趣濃消受荷香三十里午

齋剛打淨慈鐘

過杭日肩輿由武林門出錢塘門僚湖壩而行至淨慈寺小憩

成佛生天孰後先靈山果有再來緣

憶二十年前曾挈眷游湖入淨慈寺茶話

半响茲聞旬日前鄭夫不須更食嬾殘芋流水行雲方灑

然與詩僧謙谷談詩良久欲以午齋款留辭之

錦窠舊侶感搏沙又負南屏迓節花珍重江干茶話絮更

希新句佇籠紗富海帆中丞偵余於淨慈未遇復追至江口舟次話別並許和拙詩

焦巖烟水范湖雲銅井銅院夢尙醺皆與芝楣同游舊事偏是六橋

留未得人生何處不離羣陳芝楣廉訪堅約為湖上半日之聚余不能留也

上水船為下水行錢塘江上夜潮生歸心更比江潮急直

到巖灘月有聲錢塘江乘潮解纜

江雲忽接嶺雲明只道江神解送迎誰信相逢不相見蘭

溪風水太無情

晨過蘭溪始知程晴峯方伯已於中宵南下爲之惘然

莫辭剪燭到宵闌離合升沈感百端萍水重逢惟握手蓬

窗深話始披肝

衢州晤那理堂觀察承再臨舟次談至夜分而別

須江回憶幾疲津靳我籃輿自在身路自阻修途自坦何

妨屢遣學幽人

自衢州至清湖水淺灘高向係換坐小舟窮日夜始達此次始肩輿登陸雖歷百一

十里而絕無山

嶺登頓之勞

橫峰側嶺首頻回豁我塵勞霽色開依舊三峰天外削眞

如廿載故人來

望江郎三片石是日晴明毫無雲氣

空山古寺有餘清塵眼猶爲墨瀋明一代龍門成露電更

何人識老瓶城蘇嶺小憇從寺僧索觀朱文正師詩卷即

詩感舊冊彼詩係重錄此則手蹟也和者有瓶城居士款

中丞不知為何人余謂此吾鄉林樾亭先生之號亦文正

高弟也今辨出得仙霞始是仙他方人仕閩者始知易地則皆然未成

字蹟益信三徑先歸去已負初心二十年過仙霞嶺

楓嶺西連大小竿此間真作故山看山靈莫笑衝炎至幾

度懸崖撒手難過大小竿嶺為閩浙分疆處

漁梁城角最關情臺榭高低照眼明記我空山曾講授東

南嶠外舊書生浦城城外已望見粵王臺其山麓即南浦書院

濯纓泉畔自低回
猿雀相逢莫浪猜
我與主人同一快
桃源許客重來

浦城有斐園爲余二十年前山居授徒之地嘉慶癸酉冬挈眷入都復寄寓園中兩

閏月皆祝東巖作主人也

語但淹留忍不禁
誰知歲事更關心
覲顏欲向雲師祝
莫

似人閒怯作霖

久晴溪涸不能通舟而大田望雨尤切

交游常恐盡人歡
如此流連豈所安
竹栢松蘿齊入畫
名

園易得主人難

排日泥飲有斐園幾忘留滯矣

匝月焦心望始青
今朝快語動莎廳
鳳池澹澹來青潤
我

欲添成喜雨亭

有斐園席次喜雨鳳池來青皆亭名

欣聞浙瀝散簷花直到高荷大芋譁四野歡聲已雷動自

然波及到臣家

大雨半日聞溪流已漲尺餘
卽飭眷屬俟裝於次日登舟

全家齊上矮篷船新漲聲中笑語喧若把廿年來路憶一

江風雪聳吟肩

建溪奇險亦奇觀急浪橫衝怒石攢宦海洪濤吾見慣扁

舟談笑下危灘

便殊晝錦亦軒然歸計何煩下瀝田擇里仍居黃巷宅

余舊

居黃巷新宅卽在舊宅對門

辭官且紀白公年

余今年五十八與白香山歸田年同

東巖招游夢筆山飲於等覺寺

清晨出郊垌本爲道暑計孤山忽照眼灑然入初地山僧
非昔名寺形杳莫記但見修竹林依舊掃天翠主人爲我
述年來稍增置崇祠晞髮清危亭石墨麗

謝皋羽祠及寶宋亭皆東巖手

建

嶽竒聲確間尙有我題字雪泥許重尋霜華已盈戴俯

仰增感欹蒼茫觸吟思且就北窗飲一洗秋陽厲

茲山以夢傳寺乃等覺名夢覺非二義相待如晦明昔游
廿載前僦僦盛賓朋重來無一遇始作露電驚出山雲意
懶還山倦羽輕綵筆苦低垂黃梁易忪惺孰夢復孰覺何
如泊無營笑挾管城子隨我飛冥冥

我懷筆久禿本無花開落窮年判牘忙小詩乃間託其來
非有贈其去不煩索所幸判牘苦近已力謝却愴然夢境
清絕無狂花作微吟或未免漸覺不如昨無才何有盡老
退亦可忤先生幸牖我一枝契真漢高山方景行敢效了
翁謔

李蘭卿太守以燈窗梧竹圖冊索題因次舊和蘇齋

師韻卽送北行

昔年與蘭卿同在蘇齋師處學詩予曾取師詩中燈窗梧竹字作圖

徵詩今蘭卿亦作此圖

六千里外春明侶十七年前麗句隣對畫共添知已淚送

離新作故鄉人

余甫還里而君已戒行

竹梧已是言詮落蘭茝如何

信誓真

信誓苦岑向蒞蘭蘇齋師題此圖舊句

揮手行藏歸各當但增意氣

莫傷神

句外工夫絃外音道心圓滿卽仙心持情我已飛騰倦通

政君真願力深

讀君新刻各種皆以詩通政之實而舊時所作不與焉

師友因緣稀

此似承平雅頌讓誰任側聞

君相齊延佇詎但文章契芥針

蘭卿疊前韻見示載答其意

宣南詩事已塵塵正擬鄉園好卜隣豈意近聯黃巷宅偏

難留住素心人匆匆筆墨闕離緒草草杯盤見性真獨媿
投林餘倦翮爭如龍馬健精神

此去飛鴻共遠音憑君爲道故園心夙驚春海波瀾濶最

喜長林茭舍深程春海祭酒林少穆中丞二人皆君至契異地迢迢天自合諸

公衮衮我何任烟霞豈果甘沈痼也望真靈錫砭針

閨重陽日集陳恭甫壽祺趙穀士在田林鑑塘春溥

三編修郭蓮渚仁圖楊雪棊慶琛二比部馮笏駢

舍人葉次幔申藹陳香農登華二縣尹葉芸卿

敬昌太守許蔭坪德樹何耐亭兆鰲家弟蘭笙雲

鏞

三廣文同登烏石山飲於文昌祠有作

良辰難得遇重陽
沉閨重陽可竟忘
天到深秋晴更好
人

逢舊雨話彌長
愧難濟勝呼興替
喜仗印須擊楫忙
是會飭庖

治具皆屬笏
駢代任其勞
老病豈堪還
獨酌笑拈詩筆已如狂

尙餘詩夢繞滄浪
比年在吳重九必集滄浪亭
今日登高是故鄉
直自

戊辰證泥瓜
余自嘉慶戊辰游烏石山迄今二十五年始得再至
巧同庚午集壺觴

余繪有庚午雅集圖人數與此會適
合是日卽携此圖卷與同人共賞之
且憑傑閣舒塵眼
祠中

有閣郡城勝
概悉在目前
底事虛堂訪辦香
李蘭卿太守瀕行登山訪

次及
倘把光陰輪指溯
吾生此會豈尋常
閩重陽自乾隆丙子至今僅得

三
下
二
一

度兩

舊藏惲南田寫生卷馮笏軒見而擊賞卽以持贈並

系小詩

春華秋實燦成行不辨黃筌與趙昌重是吳宮舊花草助

君陶舫作重陽

陶舫本林鹿原舊蹟今屬笏軒

爲恭甫太史題戀雲圖

道本名山貴情兼愛日殷此間真可戀無憾孰如君已愜
循陔志方成誓墓文我歸何所託惶恐說閒雲

廿載歸來客披圖感慨多苔岑餘宿草

圖爲陳秋坪丈所作

棠舍悵

移柯

此卷先為孫文靖公所
得持贈太史並系以詩

所喜論文細頻審問字過閩

川猶有巷老屋對牽蘿

太史與余同居黃巷
為唐黃德溫璞故里

瑯琊師子鑪歌為陳恭甫作

銘云弟子塩鐵出使巡
官主福建院事檢校尚

書禮部郎中賜紫金魚袋王延翰為大王及國夫
人鑄造師子香爐壹口捨入保福院永充供養天

祐四年九月四日造

太邱先生世儒宗辨證金石精羅胸小琅嬛館足古異突

兀示我瑯琊銅身高盈尺口圍弱冠頂高踞狻猊雄外層

葵葉徑強口黃庭細楷環彫欏

銘字極似
穎井黃庭

上列塩鐵出巡

使福建院事稽無從

福建院於
志乘無考

檢校尚書賜金紫結銜未

改唐黜庸次言天祐四年造九月早過昭宣終唐亡於天祐四年四

月紀元猶奉舊正朔差喜岐李吳楊同是時國中政儉約

苾芻甘露回災風萬姓祝王王卽佛保福自現金輪躬二

國夫人本偕老任黃內治稱肅雍博陵練椎未得逞何況

鳳鸞爭華宮側聞四塔一壽嶽乞復車駕祈熊熊黃泊丈六金身

碑載閩王造塔四其一於壽山以昭皇帝西巡發誓願以祝熊熊乞車駕之復官闕爲君爲親等誓

願克家頌禱非頑蠢後來堅牢起牢堵千靈萬聖資延洪

惜哉自身語繁瀆那似堂構原恢崇堅牢石塔王職所建七層皆有題名而爲

自身字凡六見千靈萬聖亦塔銘中語也同光後事且勿論鹿來馬去殊匆匆

是鑪或自全盛日一物已足覘夷隆俸錢直進有餘積想

合銚劫鑪鈞紅

閩王鑄大錢以五百文爲貫俗名謂之銚劫見偵泉錄

詞無枝葉製

彌質字外樸拙妍其中三山吉金此第一恰值志乘搜殘

叢天將此物助載筆團團寶月圓晴虹

時恭甫爲福建通志局總裁適獲此

物

生砂活翠非近玩拓我眼福揩雙瞳咸和總章雜瓴甃

皆恭甫新獲晉唐各壩瓦

箏琶未許儕鐘鏞我藏吳越忠懿塔自詫光

怪攢雲龍詎若此物繫閩故如保趙璧得楚弓八百餘載

香火闕六十三字金塗濃哦詩漫擬周文璞訪古更踏蓮

花峰

笏駢出示六十自壽詩次韻奉贈

勞生孰不惜駒光老去情懷轉若忘彈指易過頻攬鏡平
頭難得合稱觴推移婚嫁希禽尙祓飾文章謝馬揚羸此
逍遙仙歲月詩家麟閣賽名場

早歲聲華軼輩儔丹山威鳳極翔游鼇峰晝靜春帷暖蟾
窟香濃月地秋環質臨風森玉樹浮腸耀日艷珊瑚同塵
鄭重誠交約意氣元龍在上頭

余與君同入
誠交社課

世網纏身可若何中年哀樂易蹉跎三千食客陳公轄百
萬儲胥管相嗟寒士荒厨資舉筮名山舊剎徧牽蘿笑予

廿載空數厯那似維桑被澤多

一堂萬象盡皋牢蘭話閑時健筆操前輩流風猶耿耿後

賢好事亦勞勞

君所居蘭話堂爲林吉人同人二先生著書舊址

師門付託甘胝

腕石蹟編讐幾禿毛

君曾校刊孟瓶菴師遺集又編次林同人謝古梅二先生金石各書同時

梓行大業千秋原自具詎徒林謝接風騷

蒼筵偏我未抽簪尙要新吟續舊吟

君詩成於數年前余歸田後始屬和焉

勝日壺觴招雀舫高秋杖履集烏岑古歡易判河梁袂炯

迹須題漢上襟好語往來陶舫客莫將壺汁惜如金

古與稽還今與居何分松栝判桑樗知君早笑乘軒鶴愧

退菴詩存

卷二十

古

我初同脫網魚里閉苔岑尊祭酒堂階蘭玉喜充間長生
長樂憑何術且學黃庭守宅廬

題羅兩峰畫梅次金冬心韻

自擬冬心露穎垂渾如二樹寫鄉思比年添箇吳羹老笑
問花身定許誰

遺民幾輩老垂垂
蓺圃蘇齋別有思

幅邊有蘇齋師在
蓺圃次韻題句

我

亦江南春夢醒昏煤破紙待貽誰

甘滋蒼明經

澍

輯裝陳秋坪先生遺墨屬題

孔李通家舊回頭四十春斯文未落斲墨亦精神道廣

誰能繼名高不救貧無端雲出岫擲筆泪沾巾

余以嘉慶癸酉入都

先生爲作無心出岫圖此後遂不復相見矣

名山一片席水曲復雲凹肯以詩書畫同諸露電泡幾人真付鉢之子獨投膠持此堪砭俗淵乎金石交

爲笏軒題癸未道山雅集圖次楊雪椒韻

道山拔地幾千尺石天粘天一片石鄰霄臺果與霄鄰蟠桃塢裡多羣真扶筇勝踐憶往日媿對名山欠名筆浪游十載方還朝無復里社相招邀厯登泰岱望嵩少倦還始覺故山妙故山到眼已魂消沉有妙繪開生綃癸未之

退菴詩存卷二十

五

集盛朋里掣電搏沙閱星紀中閒不乏清狂遊曠舉乃數

壬辰秋

今年閏重九登高即卷中舊地

欲把詩心證畫理個個酒酣熱到

耳吾鄉好事無多人舊雨不來今雨新逐隊攀躋輩千百

文字牽連幾主客一年難得重登高幔亭仙侶皆吟豪

是會

共十人

山川如故鬢毛改前塵賴有畫圖在携圖上山索我

歌離多會少如君何焉得年年作重九如此畫圖如此酒

底須更論詩好醜同向青天一搔首

爲沈夢塘孝廉

學淵

題東越修書卷

時孝廉在福州志局

婁東才子舊聞聲海上成連偶寄情重是治南文獻繁名

山隨地起崢嶸

什一叢殘問譚夔千秋舊德重淳熙

先文靖公淳熙三山志書僅存

雲亭

未執鈔胥役惜我歸田計已遲

雲龕雲影雪園秋仰賴承明著錄留此例願君宏採擷肯

將筆海隘前修

先代有雲龕遺稿一卷雪園詩集六卷並著錄四庫總目中而舊志未載

春雨莊前花怒開

孝廉所寓齋名

桂留詩夢繞岑苔

孝廉集名桂留

鴻泥

中有漸遶羽會見簪豪省闔來

黃巷新居之西偏闢小園一區名之曰芝南山館其

上小樓榜爲黃樓巷本唐黃德溫先生舊居今巷

中以此樓爲最古因以名之池上舊有老梅一株
因添栽松竹總題爲小三徑落成日集同人賦詩
張其事

黃樓新成壁未乾蘇句我意已急朋酒歡借題剛好配詩料
卽事且欣同歲寒池魚僅得一二寸墻竹須添三兩竿經
營逾月不知倦盼取梅花朝夕看

老梅覆池恰橫斜小松短竹紛交加周遮泉石作三徑位
置書畫成一家黃校郎宅漫相擬白太傅年聊可賒余今五
十八歲與香山歸洛之歲正同故歸帆雜詠談諧便須雜
有句云擇里仍居黃巷宅辭官且紀白公年

吟詠待與榕城增物華

小園中老梅尙無花意戲催以詩時壬辰冬季

荒園枳棘負名花亟盼高枝壯物華誰料春風渾不省絕
無消息只槎枒

寂寂南枝水一隈沈沈東閣自徘徊應憐驛使奔馳苦隴
首探春日幾回

珊瑚來意果如何歲暮鄉愁入感多遮莫眼中香雪海藐
姑仙子怯風波

怕愁貪睡裏春深

坡老紅梅詩怕愁貪睡獨開遲

未必能符天地心蜚雨

蠻風連番急樹猶如此我何任

坡公生日小集芝南山館疊前韻約笏聯蓮渚次幔

恭甫鑑塘雪菜蘭笙同作

三冬未放酒杯乾鋸屑連珠併一歡七百年餘香篆接大

千劫外玉樓寒歲華已似蛇趨壑詩思都如鮎上竿壁上

墨痕池畔影天然作伴待公看

壁懸公所作墨梅幀時池上梅花盛開要與梅花作

伴來公次韻秦少游句也

升堂小徑不嫌斜八簋厨單未可加青眼客來多壽骨黃

樓詩已屬吾家古歡抗手靈修契

是會以黃忠端董文敏王漁洋朱竹垞四像爲

配春夢回頭勝踐賒余仕京師無歲不與此會自外宦十年無暇及此矣甘爲詩忙拋歲事人間此會重摘華

臘月二十七日同雪椒過訪許蔭坪學博留飲嫣紅

院中有作

柴門特爲故人開有約同尋雨後苔四壁沈吟舊詩句廿

年省記好樓臺余前游在嘉慶癸酉琴書未改蕭閒味蘭玉欣看曼

衍裁聞說儒官要橫海名園還許幾回來時蔭坪調任臺灣

鐘檻珠璣瑣闌詩心常笑島郊寒松風高閣陶宏景花

雨彌天釋道安錦瑟年華嗟晚晚蔭坪自述如是玉臺風格許平

看紅燈綠酒珍良會莫怯陽春繼響難